



Uhapšen Slobodan Karagić, krvnik iz Crvenih beretki Silovao Bošnjakinje i uzimao novac od zarobljenih u Doboju

Karaga se najviše spominje u pljačkanju i silovanju. Uzimao je novac, zlato... To se najšećće spominje u izjavama logoraša

Pripadnici Agencije za istrage i zaštitu (SIPA) jučer su u Doboju uhapsili 63-godišnjeg Slobodana Karagića zvanog Karaga, zbog sumnje da je kao vođa jedinice Crvene beretke, koja je djelovala u okviru CSB Doboju, tokom 1992. godine počinio niz ratnih zločina.

On se tereti da je početkom maja 1992. godine učestvovao u okupaciji Doboja, kada su pripadnici Crvenih beretki hapsili bošnjačke i hrvatske civile, koji su potom, po naredbi Karage, zatvarani u logor koji se nalazio u blizini preduzeća Bosanka, u naselju Usora u Doboju.

Uhapšeni i strijeljani

-Osumnjičen je i za ubistvo najmanje 12 žrtava bošnjačke nacionalnosti koje su u mjesecu maju 1992. godine izvedene iz zatvora "Spreča" u Doboju i odvedene u nepoznatom pravcu, otkada im se gubi svaki trag, a nakon čega su strijeljani na jednom lokalitetu, a čijem strijeljanju je prisustvovao osumnjičeni Karagić – kazao je Boris Grubešić, portparol

Tužilaštva BiH.

Među ukupno 12 ubijenih Bošnjaka, govore nam svjedoci, nalazilo se i 10 stanovnika naselja Grapska. Kako su nam ispričali, trojica su odvedena 7. maja, dok su sedmerica stanovnika Grapske, odvedeni 24. maja.

-Od tada, njima se gubi svaki trag. Najviše ubijenih je iz porodice Bešić. Tada su bili zatvoreni i Ahmet Bešić, najbogatiji čovjek u Grapskoj i njegova tri sina. Prema nekim saznanjima, Ahmet je platio više od 100.000 maraka da ih puste. Međutim, zlikovci su oslobodili Ahmeta SIPA uhapsila Karagića u Doboju i njegovog najmlađeg sina. Da bi oslobodili još dvojicu sinova, koji su bili blizanci, tražili su još 100.000 maraka – ispričao nam je jedan od stanovnika Grapske.

Do oslobađanja blizanaca iz porodice Bešić nije došlo. Odvedeni su 24. maja i ubijeni, a ista je sudbina zadesila još četvericu njihovih rođaka iz porodice Bešić. Njihove kosti se još uvijek traže, dok su trojica stanovnika Grapske, koji su odvedeni 7. maja, pronađeni kod Bosanskog Broda.

Prema izjavama naših svjedoka, ucjene i uzimanje novca su vršili Nikola Jorgić, koji je osuđen za genocid u Njemačkoj, Crvene beretke i Karagićna grupa.

Prema riječima Alje Hasančevića, predsjednika Udruženja logoraša Grapska kod Doboja, ove grupe i pojedinci su bili zadruženi za najprljavije poslove – pljačke i ubistva.

-Karaga se najviše spominje u pljačkanju i silovanju. Uzimao je novac, zlato... To se najšećće spominje u izjavama logoraša. Dolazio u selo i pljačkao, ljude odvodio u zatvor, uzimao novac, pa ih puštao. Potom, ponovo ih vodio u zatvor – kazao nam je Hasančević.

Crvene beretke

Dodaje da, kada je u pitanju sudbina sedmerice ubijenih stanovnika Grapske, sumnja se da su odvedeni i ubijeni na planini Ozren. Tamo su se, prema nekim pričama, pripadnici Crvenih beretki izjvljavali i "vježbali na njima".

Inače, Tužilaštvo Karagu tereti i za silovanje dviju maloljetnih Bošnjakinja tokom

ljeta 1992. godine. On je i pod istragom zbog rušenja džamije u naselju Miljkovac u Doboju, koja je u mjesecu maju 1992. godine, uništena podmetanjem eksplozivne naprave.

-Tereti se i da je tokom mjeseca juna 1992. godine, na području Teslića, zajedno sa drugim pripadnicima jedinice Crvene beretke, vršio nezakonita hapšenja i zatvaranja civila bošnjačke i hrvatske nacionalnosti na području Teslića, nakon čega je počinjeno njihovo fizičko i psihičko zlostavljanje, a dio civila je tom prilikom ubijen ili se vode kao nestali – navode iz Tužilaštva.

Prema riječima naših sagovornika, Karagić je poslije rata normalno živio i radio u Doboju. Vlasnik je i jednog ugostiteljskog objekta. Kako se moglo čuti, na upite o mogućem njegovom procesuiranju, on je odgovarao: ne bojim se, ja sam tu. No, tu je i desetina svjedoka, uključujući i silovane žene, koji će u narednim mjesecima dati svoje iskaze protiv ovog osumnjičenika za teške zločine. **S. KARIĆ**

NASELJE GRAPSKA**Simbol
stradanja**

Prema riječima Hasan-čevića, u Doboju je tokom etničkog čišćenja 2.300 osoba ubijeno, ili se vode kao nestali.

-Samo u Grapskoj, koja je simbol stradanja, ubijene su 104 osobe. Najviše logoraša je iz Grapske. Više od 500 logoraša je prošlo kroz sedam logora u BiH. Posljednji logoraši iz Grapske su razmijenjeni nakon potpisivanja Dejtonskog sporazuma - kaže on.

